

**Talamdan sa
Mga Mensahe alang sa Full-time Training
sa Spring Term sa 2026**

**LINANGKOB NGA HISGOTANAN:
ANG MAHINUNG DANONG MGA PUNTO SA KAMATUORAN SA MGA SULAT NI PABLO—
UNA UG IKADUHANG TESALONICA**

Mensahe 7

Ang Panig-ingnan ni Apostol Pablo

Basahong Kasulatan: 1 Tes. 2:1-12

I. Ang kinamaayohang paagi sa pag-atiman nato sa mga tawo, sa pagpangga ug pagtil-og nato kanila, mao ang paghatag kanilag hustong panig-ingnan; itugyan gyod nato ang atong kaugalingon sa Ginoo aron hingpit Niyang maumol ang Iyang Kaugalingon kanato aron himoon tang mga panig-ingnan sa mga magtutuo—2 Tes. 3:9:

- A. Panig-ingnan si Ginoong Jesus sa pagpahimulos sa Amahan nga kinadatoang grasya ug kinatam-isang gugma aron mabuhi tungod sa Amahan para mahimaya ang Amahan—Juan 6:57; Isa. 7:14-15; Juan 5:19; 4:34; 17:4; 14:10, 24; 5:30; 7:18; Luc. 22:27; Mat. 20:26-28.
- B. Gisugo ta ni Ginoong Jesus nga makat-on Niya, himoon Siyang panig-ingnan nato sa pagkapinugngan sa kabubut-on sa Amahan ug magmadagayaon sa buhat sa pagtuman sa kabubut-on sa Amahan—11:28-30; itandi sa Efe. 4:20-21; 1 Cor. 15:58.
- C. Niingon si Pedro nga gibilin ni Cristo ang Iyang Kaugalingon nga panig-ingnan aron mosunod ta sa Iyang ginawian ug mahimong hulad Niya—1 Ped. 2:21.
- D. Gisugo ni Pedro ang iyang mga masigka-anciano nga dili magharihari sa mga magtutuo kondili mahimo hinuong panig-ingnan sa panon—5:1-3.
- E. Niingon si Juan nga “unsa ngani Siya, maingon man sab ta ning kalibotana”; nagpasabot kini ni Cristo, nga nagkinabuhi ning kalibotana sa kinabuhi sa Dios nga gugma ug maoy kinabuhi nato karon aron makakinabuhi ta sa samang kinabuhi sa gugma ning kalibotana ug masama Niya—1 Juan 4:17; itandi sa 3:3, 7.
- F. Panig-ingnan si Pablo sa mga magtutuo sa pagkinabuhi nila ni Cristo aron mapadako Siya pinaagi sa madagayaong sangkap sa Espiritu ni Jesucristo alang sa Lawas ni Cristo—1 Tim. 1:16; Fil. 1:19-21a; Gal. 6:17.
- G. Gisugo ni Pablo si Timoteo nga mahimong sumbanan sa mga magtutuo sa pulong, sa paggawi, sa paghigugma, sa pagtuo, ug sa kaputli—1 Tim. 4:12.
- H. Gisugo ni Pablo si Tito nga ipakita ang iyang kaugalingon nga sumbanan sa maayong mga buhat, mamulong sa himsog nga mga pulong sa himsog nga pagtulon-an sa pamatigayon sa Dios nga sangkap sa kinabuhi ngadto sa mga tawo—Tito 2:7-8; Juan 6:63; 1 Juan 5:16a.
- I. Niingon si Pablo nga magmaawaton ta sa Dios, ingon nga mga anak nga hinigugma—Efe. 5:1; Mat. 5:48.
- J. Niingon si Pablo nga magmaawaton ta niya, maingon nga magmaawaton siya ni Cristo—1 Cor. 11:1; 4:16; 1 Tes. 1:5-6; 2 Tes. 3:9; Fil. 3:17.

II. Niingon si Pablo nga siya ug ang mga apostol uban niya sumbanan sa malipayong balita nga ilang gipakaylap—“nasayran ninyo unsang mga tawhana mi diha ninyo tungod ug alang ninyo”—1 Tes. 1:5b:

- A. Diha sa iglesia ang labing mahinungdanon mao ang persona; ang persona maoy paagi ug ang persona maoy buhat sa Ginoo; kon unsa ka mao kana ang imong buhat—Juan 5:19; 6:57; Fil. 1:19-26; Buh. 20:18-35; Mat. 7:17-18; 12:33-37.

- B. Mosunod gyod ta sa sumbanan sa mga apostol nga labaw nga magtagad sa kinabuhi kaysa buhat—Juan 12:24; 2 Cor. 4:12.

III. Panig-ingnan si Pablo sa mga magtutuo sa pagkinabuhi ug sa pagpangalagad niya ni Cristo nga Espiritu diha sa iyang espiritu aron matukod ang Lawas ni Cristo—1 Tim. 1:16; 4:12; Rom. 8:16:

- A. Nagpakita ni Pablo ang Ginoo aron itudlo siya nga ministro ug saksi sa mga butang nga nakita Siya ni Pablo ug sa mga butang nga magpakita unya Siya ni Pablo—Buh. 26:16-19; itandi sa 1:8; 23:11; 20:20, 31.
- B. Gihimo ni Pablo si Cristo nga tanan niya—iyang pagkinabuhi, sumbanan, tumong, ug sekreto—Fil. 1:19-21a; 2:5-16; 3:7-14; 4:11-13.
- C. Nagkinabuhi si Pablo pinaagi sa Espiritu, naggawi pinaagi sa Espiritu, nagpugas ngadto sa Espiritu, ug nangalagad sa Espiritu isip espirituhanong tawo nga nagkinabuhi ug nag-alagad diha sa iyang espiritu—Gal. 5:16, 25; 6:8; 2 Cor. 3:6; 1 Cor. 2:15; 2 Cor. 2:13; Rom. 1:9; 8:16.
- D. Wala gibasi ni Pablo ang iyang pagsalig sa iyang kaugalingon kondili sa Dios, nga nagbanhaw sa mga minatay (2 Cor. 1:9), nga naglakip sa mga butang nga dunay kalabotan niini sama sa paggawi niya diha sa kalibotan dili sa unodnong kaalam kondili sa grasya sa Dios (v. 12) ug pagkausa niya sa dili mausab nga Cristo sa Dios nga matinumanon (vv. 18-20).
- E. Nadugtong si Pablo ni Cristo, nga gidihogan ug gitimbrehan sa Iyang Espiritu, ug gibihag, gibuntog, ug gidala Niya nga magsabwag sa Iyang alimyon—vv. 21-22; 2:14-16.
- F. Napunog Cristo si Pablo mao nga diha-dayong nangalagad siyag Cristo sa mga nakontak niya, nagsulat og Cristo sa ilang kasingkasing pinaagi sa Espiritu sa Dios nga buhi aron himoon silang buhing mga sulat nga nagpadayag ni Cristo—3:3-6.
- G. Natuhopan si Pablo ni Cristo aron mopasidlak ni Cristo sa pagpangalagad sa bag-ong pakigsaad, nga mao ang pagpangalagad sa Espiritu, ang pagpangalagad sa pagkamatarong, ug ang pagpangalagad sa pagpasig-uli—vv. 7-11, 18; 4:1; 3:6; 5:18-20.
- H. Kamulong gitransporma si Pablo ngadto sa dagway sa Ginoo gikan sa himaya ngadto sa himaya, ingon nga gikan gyod sa Ginoong Espiritu, sa pagtan-aw ug pagpasumbalik niya samag salamin sa Iyang himaya nga dunay nawong nga wala mataptapi—3:16-18.
- I. Nagkinabuhi si Pablo ug nagbuhat sa tanan diha sa Lawas, pinaagi sa Lawas, ug alang sa Lawas—Rom. 12:4-5; 1 Cor. 12:12-27; Efe. 4:1-6, 15-16; Col. 2:19.

IV. Hustong panig-ingnan si Pablo sa mga magtutuo sa pagpakaon niya sa iyang espirituhanong mga anak sa kaugalingong pagkinabuhi niya ni Cristo—1 Tes. 2:1-12; 2 Cor. 1:23—2:14; 11:28-29; 1 Cor. 9:22; Acts 20:28:

- A. Dili lang nga gisangyaw sa mga apostol ang ebanghelyo kondili gikinabuhi sab kini; ang pagpangalagad nila sa ebanghelyo dili pinaagi lang sa pulong kondili sa kinabuhi sab nga nagpadayag sa gahom sa Dios, sa kinabuhing naa sa Espiritu Santo ug sa pagsalig sa pagtuo—1 Tes. 1:5.
- B. Nahimong mga mag-aawat sa mga apostol ang mga balaan sa Tesalonica; nagdala kini nila nga mosunod sa Ginoo, maghimo Niya nga sumbanan nila, sa ingon niana naghimo nilang sumbanan sa tanang ubang magtutuo ug mga mag-aawat sa mga iglesia sa Dios—vv. 6-7; 2:14.
- C. Balikbalik nga gihatagag gibug-aton ni apostol Pablo ang pagsulod sa mga apostol ngadto sa mga magtutuo; nagpakita kini nga dako kaayog kalabotan sa pagpatuhop sa ebanghelyo ngadto sa bag-ong mga kinabig ang pagkinabuhi nila—1:5, 9; 2:1:
1. Nakigbisog ug namulong ang mga apostol sa ebanghelyo ngadto sa mga taga-Tesalonica diha sa kaisog sa Dios—v. 2.
 2. Walay limbong, kahugaw, ug kaigmat ang mga apostol—v. 3.
 3. Gisulayan ug giaprobahan una sa Dios ang mga apostol unya gipiyalan Niya sa ebanghelyo; busa, ang ilang pagpamulong, ang pagsangyaw sa ebanghelyo, dili sa ilang kaugalingon aron mopahimuot sa mga tawo kondili iya sa Dios aron mopahimuot Niya; mapadayonon gyong

- gipamatud-an, gisusi, ug gisulayan sa Dios ang ilang kasingkasing—v. 4; Sal. 26:2; 139:23-24; 2 Cor. 1:12; 6:6; 7:3.
4. Wala gyod makaplagi ang mga apostol nga namulong sa pag-ulog-ulog o dunay pasumangil ba sa kahangol—1 Tes. 2:5:
 - a. Ang dunay pasumangil sa kahangol pagbaligya o pagsambog man sa pulong sa Dios—2 Cor. 2:17; 4:2.
 - b. Pagpakaaron-ingnon sab kini nga diosnon aron makasapi—1 Tim. 6:5; Tito 1:11; 2 Ped. 2:3.
 5. Wala magtinguhag dungog sa mga tawo ang mga apostol—1 Tes. 2:6a; Gal. 1:10:
 - a. Ang pagtinguhag dungog sa mga tawo tinuod gyong tentasyon sa matag usa ka Cristohanong magbubuhat; daghan ang gilamoy ug nadaot tungod ning butanga—itandi sa 1 Sam. 15:12.
 - b. Nahulog ang arkanghel tungod sa pagtinguha niyag dungog; nahimo siyang kabatok sa Dios, si Satanas, tungod sa pagtinguha niyag dungog; bisan kinsang nagtinguhag dungog sa mga tawo magsusunod man ni Satanas—Ezeq. 28:13-17; Isa. 14:12-15; Mat. 4:8-10.
 - c. Ang pagkamapuslanon nato sa Ginoo ug ang gidugayon sa pagkamapuslanon nato nag-agad man kon nagtinguha ba tag dungog sa mga tawo—itandi sa Juan 7:17-18; 5:39-44; 12:43; 2 Cor. 4:5.
 6. Wala mobarog ang mga apostol sa kaugalingon nilang pagbulot-an o pagkatalahoron isip mga apostol ni Cristo—1 Tes. 2:6b:
 - a. Ang pagbarog sa pagbulot-an, pagkatalahoron, o katungod sa Cristohanong buhat makadaot nianang buhata; sa nia pa si Ginoong Jesus sa yuta, gibiyaan Niya ang Iyang pagkatalahoron (Juan 13:4-5), ug gipalabi sa apostol nga dili mogamit sa iyang katungod (1 Cor. 9:12).
 - b. Kon mosunod ta ning sumbanana, mapatay nato ang makapatayng sakit sa Lawas ni Cristo, ang kagaw sa pagpaka-si-kinsa—Mat. 20:20-28.
 7. Gipangga sa mga apostol ang mga magtutuo ug nangandoy sila kanila sama sa inahang nagpasuso nga nagpangga ug nangandoy sa kaugalingon niyang mga anak—1 Tes. 2:7-8; itandi sa Gal. 4:19; Isa. 49:14-15; 66:12-13:
 - a. Ang pagpangga nato sa mga tawo paglipay, paghupay, ug pagpabati man kanila nga maayo ta nila, dali rang maduol nila sa tanang butang ug sa tanang paagi.
 - b. Dili tinuod ang pagpangga nato sa mga tawo diha sa natural natong pagka-tawo; panggaon gyod nato ang mga tawo pinaagi sa presensya sa Ginoo nga maoy makadani, ang realidad sa pagkabanhaw.
 - c. Naglakip og pagtil-og ang pagpangga; ang pagtil-og nato sa mga tawo pagpakaon man kanila sa malangkobon-sa-tanan nga Cristo sa pagpangalagad Niya sa tulo ka hugna—Efe. 5:29.
 8. Dili ang ebanghelyo sa Dios ra ang gipaambit sa mga apostol sa mga taga-Tesalonica; gipaambit sab nila ang kaugalingon nilang kalag—1 Tes. 2:8:
 - a. Ang pagkinabuhi sa limpyo ug tarong nga kinabuhi (vv. 3-6, 10) ug ang paghigugma nato sa bag-ong mga kinabig, bisan ngani sa paghatag kanila sa atong kalag (vv. 7-9, 11), maoy mga gikinahanglan aron ikapatuhop kanila ang ebanghelyo.
 - b. Andam si Pablo nga mogasto dili lang sa naa niya kondili sa iyang kaugalingon sab, sa pagkatawo mismo niya, tungod ug alang sa mga balaan—2 Cor. 12:15.

9. Giisip sa mga apostol ang ilang kaugalingon nga mga amahan sa pagtambag nila sa mga magtutuo nga maggawi nga angay gyod sa Dios, maggawi sa paggawing makapasulod nila sa gingharian sa Dios ug maghatod nila ngadto sa himaya sa Dios—1 Tes. 2:11-12.